

W. 534, 49

Yc
7335

STVDIORVM CONSTANTIAE
XVI. PHILOSOPHIAE CANDIDA
QVI MAGISTRI CREANTVR

RECTORE MAGNIFICO
GODOFREDO HEINSIO
MATHEM. P. P. O. ET ACAD. IMPERIAL
SCIENT. PETROPOLITANAE ADSCR. HONORARIO

PROCANCELLARIO SPLENDIDISS
IOH. CHRISTOPH. GOTTSCHEDIO
LOG. RECENTIORIS ET METAPHYS. PROF. PVBL
ORD. POES. EXTRAORD. ET MAI. PRINC. COLLEGI
COLLEGIATO ET SODALIT. QVAE SCI. CAVSSA
COGVNTVR DIVERSIS VT BEROL. BONON
OLOMVC. ADSRIPTO

DECANO SPECTABILI
AVG. FRIDER. MVLLERO
PHIL. ET IVRIS VTR. DOCT. ORG. ARISTOT
PROF. PVBL. ET MIN. PRINC. COLL. COLLEGIATO

CARMINE SOLEMNI LAVDAT
IOH. FRIDER. CHRISTIVS P. P

D. XII. FEBR. A C. N. CIO 1000

BIBLIOTHECA
PONICKAVIANA

L I P S I A E
OFFICINA LANGENHEM

UNIVERSITÄTS-BIBLIOTHEK
HALLE
(GALE)

STVDIORVM CONSTANTIAM
XVII. PHILOSOPHIAE CANDIDATIS
QVI MAGISTRI CREAVTV

RECTORE MAGNifico
GODOFRIDO HEINRICHIO
MATHEM. P. O. ET ACAD. IMPERIALI
SCIENT. PETROBOLITANAE ADSCR. HONORARIO

PROCANCELLARIO SPLENDIDISS
ION. CHRISTOPH. GOTTSCHALDIO
LOG. RECENTIORIS ET METAPHYS. PROF. PVBL
ORD. PUBL. EXTERIOR. ET MAJ. PRINC. COLLEGI
COLLEGIATO ET SPECIALI. QVAE SCL. CAUSA
Cognitur Diversis vt HEROLF. BONON
OLOMAC. ARGENTOR.

DECANO SPECTABILII
AVG. FRIDER. MULLERO
PHIL. ET IVRIS VTR. DOCT. ORG. ARISTOT
PREF. PVBL. ET MIN. PRINC. COLLEGIATO

CAMERINO SOLIMINI LAVDAT
ION. FRIDER. CHRISTIVS P. O.





Quid studiis, quorum tam certa exempla videmus,
Nunc faciet pretium? Quae res torpere veterno
Non sinet, ac reducem coget nos cernere Musam?
Virtutis meminisse bonum est, laudi que vacare,
Doctrinae que auidas incendere carmine mentes.

An, quia luce prius, cum clarum mane fenestras
Nondum intrat, quocumque die, sed saepe profesto,
Cursantis populi ingeminant per compita voces,
Iam que via strepitu vario turbatur in omni?
Nam properant hominum densae permixta cateruae
Iumenta, ac nimio nutantia pondere plaustra;
Sarracique onus arbor, et ingenti rota tigno
Pressa venit: gemuit curvatus rupibus axis,
Venturamque minans ostendit in agmina molem.
Ergo fugam suadet res haec, eadem que moratur,
Dum turbam circa retinendo colligit omnem.
Baiulus a tergo interea, vt caueas, monet: ante
Quam possis tamen, ipsius te sarcina pulsat,
Vndaque succedens rapit in diuersa morantem.

Non haec excutiant somnum tibi, quisquis ad artes
Auspicio meliore venis? En, maxima rerum

IIII

Proposito petis egregio: turba illa lucellum
 Iure quidem insanis deprendere motibus optat,
 Et sequitur certe tenui spe parua. quod ipsos
 Cogit sponte animus, domini vel iussa potentis,
 Vel maior domino duris in rebus egestas.

Quatenus illorum non est ratio absona recto.
 Nam sine vi, sine fraude deus quae parta probauit,
 Vel pretio ingrati bona sunt sudoris habenda.
 Aspera amat Virtus: hominem Natura parauit
 Duro operi, famaeque patrem dedit ipsa laborem:
 Omnia que audenti reddit deus, osor inertis.

Suscipies tamen hunc non tunc modo, quando necesse est,
 Quando non audes data detrectare: sed olim,
 Te quoniam iuuat exerceri, sumere debes.
 Id si sumis opus, quod te iuuat: aptus in alto
 Et par institues animo quoscunque labores,
 Cum graue quid ratio, vel res, vel munera portant.
 Assuetus modicis, paullatim grandia tolles
 Gaudens: hoc potius cupies, odisse que somnos
 Otiaque, et vacuae labentia tempora vitae.
 Qualibus officio coeptis praeluditur omni.

Nobilis inprimis veri qui suaserit ardor
 Difficiles reperire vias, arcemque tenere,
 Litterulis multum variaque exercitus arte,
 Dum rigido impendet placitis examine, distat
 Et specie, et causa, reliquis a rebus agendis.
 Nil Venus imperiis queat hic, saeuusque Cupido:
 Nemo animis propter quaestum bene discat auaris,
 Nemo miser, quem commoneat res arcta, vel error.
 Sed ratio mentis constans, non impetus acer,
 Veri templa, viamque tenet, qua ducit honestum.
 Non ideo, quia rem vobis augere decorum est

Litte-

Litterularum ope; nec vobis, vt iussa secutis
Aut patris, aut domini: vel quidquid fordibus aegro
Ingenio placeat, niueae varianda papyri
Aequora cum calamis creduntur, et ebria gallae
Succis aerugo. . . Sacra rara haec scrinia seruant
Scripturis pretio laudis folius opimum,
Quod lectum decies cupiant memorare nepotes.

Non, quoniam vobis haec luditur alea; non, quod,
Contemnere miser, nisi discis, quilibet amens
Occinit amenti, doctrinae haec summa vocetur.

Nam, non idcirco, quia puro nempe salino
Splendet mensa tripes, lucet que a diuite silua
Assidue focus, et fundis praestatur auitis
Tu quod edas, vnde incedas vestitus honeste,
Et cum farre cliens comes est aduectus eunti,
Ne fortasse tibi sit pondus inutile Musa,
Viuere mente velis vacua, studiis que carere.

Si tamen hoc fieret, nil sciscere tristius in te
Tu poteras, vel qui taurum succendit ahenum,
Vel qui suspenso leuiter laquearibus aureis,
Vt simulacra suae sortis proponeret, ac spem,
In folio positum conuiuiam terruit ense.

Quae lentum crucient non vlla exempla malorum

His leuiora boni subeas defertor et aequi:

Nam specie pulcra Musae praebetur vtrumque.

Sed meliora vides: sed recta intellegis: at quae

Affueto prauis nullo est contingere pacto.

Fiet enim, quod supplicio sit dirius omni,

Virtutem vt videas, intabescas que relicta.

Quod si non ideo, quia res est parta, remittis

Artibus ingenuis et curis nuntium honestis,

Quid contra tendas rem propter doctus haberi,

VI

Aeternum que decus mendaci non bene famae
 Virtutem feruere velis? A partibus illis
 Et genus et ratio studiorum diffidet omnis.

Sed cur peruigili noctes impendere curae,
 Cur doctis veterum cupiam inpalescere chartis,
 Nec somnum ante nouae videam confinia lucis?

Idque, ut vos ditet mea tanta aerumina, laborem,
 Si non est pretium, non vlla est gratia facti.
 Si nemo viuit clarae mihi conscius artis,
 Nemo rogat, quid agam: nemo solatur, set audent

Esse operum consors: si nemo denique curat?
 Sic vigili datur ob lychnorum impendia menti.
 O nos felices tamen illa sorte: quod olim
 Neglegimur tantum sapere ausi. Rideat ergo,
 Exagitet que iocis artes infana molestas,

Dummodo ne noceat, turbae censura ferocis.
 Nimirum hoc petimus cuncti. Sudare quis omni
 Tempore contendat sudorem propter, et omnia
 Tempore vulneribus ferat obuia pectora frustra?

Dicere quis tantum ut dicat velit, ampla disertum
 Ni merito maneat praeebalbis praemia? fortem
 Ante malos honor, ac diae post vulnera paces?
 Arte laboratae Cereris nisi maior aceruus
 Agricolae nauis premat horrea, quam sua tardos
 Nempe voluptatis quaedam spes cuncta futurae
 Sustinet, obiecto interea dilata labore.

Sed mea non numeris ratio subducitur illis,
 Nam bona, quae capias, secum omnia reddit honestum.
 Non istis constat pretiis, quia dulce, bonasque
 Spes habet: ipsum causa sui ac pulcherrima merces.
 Hoc fatis es, qui vera petis, rectum que, bonum que,
 Felix consilio, ac solo te reste beatus.

Quin

Quin ea, si nemo, si conscia numina nunquam,
 Quid facias, curent, tamen et facis, et melius nil
 Candidus et gaudens studiis natum esse fateris.
 Vna tuae species, neque dispar regula, vitae
 Contextet primis, ut nunc, extrema: nec vsquam
 Deuius, expedies cursum, qua linea summis
 Rexit carceribus, metas agitator ad imas.

Saepe vides cupidos magnis conatibus angī,
 Ut, quidquid petiit, contingat praua libido.
 Alterius placuit coniunx, vel munus, et altor
 Vicini fundus, positi que in foenore nūmi:
 His misere cupiunt noctes que dies que potiri.
 Tu magis aequo animo ut careas, et liber amoris
 Ridere ut possis horum coepta improba, cura
 Hoc magnum tibi surgit opus sudore parandum
 Sed nihilo asperius, quam si stultissima tentes
 Quam decus est, redimunt maioris dedecus illi.

Inuidus ut noceat felicibus, hoc studet vnum
 Tu contra felix leuiore extundere nisu,
 Ne quibus inuideas vnquam, curabis, et istud
 Ipse dabis tibi, quod sequeris, dum pauca requiris.
 Maius enim certe ac prius, haud eguisse petendis,
 Quam si cum cura rebus potiare petitis.

Intento spectas vestigia ponere funi,
 Corpora que excussio quosdam librare petauro,
 Dum latus et iugulum gladiis vibrantibus vrguent,
 Quo magis erratis mors certa impendat vtrix:
 Id que audere breuis numi spe: nec magis ipse
 Nil operae propter bona mentis tanta reculas?

Scilicet ad vitam viuendi quaerere causas,
 Ac bonus ut fias, propera, quando omnia rerum,
 Quae petimus, duri circumdant septa laboris:

Quem



VIII

Quem nisi vestibulo positum qui vicerit, illum
Non temere admittit templi trans limina Virtus.

Sin etiam Fortuna tuis obsistere coeptis,
Ut solet, incipiat, cunctosque auferre paratus:
Tu tamen obdura, contra que audentior instas.
Frangitur, in saxis hiemalis vt vnda supinis,
Teque manent certae post pugnam praemia laudis:
Gaudet enim pulcro deus adspirare labori.

Neu te poeniteat dubio discrimine vitae,
Iacturisque actae grauibus, rerum omnium egenae,
Totque operum, vigili frustra quae texere cura
Matutinus amas, et scriptae in damna papyri,
Securus veterum reputabis facta virorum.

Cecropias Megara properantem duxit Athenas
Eucliden amor artis, et omni nocte coegit
Contra scita patrum capitis prodire periclo.
Socratico vt semper penderet sedulus ore,
Taedia longa viae veri spe fregit anhela,
Ille minis durae non ausus cedere legis.

Saeua conditione alii seruire parati,
Doctrinae tenuis praeberet vt otia census,
Corporis aerumnis animos aluere capaces.
Traderis hoc pacto Samii didicisse merendo
Dicta fenis, Geticis longe qui nate pruinis,
Mox fueras patrias numen rediturus ad aras.
Vt que die monitis possent superesse magistri,
Haustus aquae, noctu assidue celebratus in hortis,
Ingentem minima paut mercede Cleanthem.
Si licet exemplis Umbri facta addere Achiuis,
Qua nihili seruum frangas poenae vice, docti
Nempe manus Plauti pistrinum exercuit olim.

Quid

Quid memorem graue suppositis genuisse lapillis
 Ingentis virtute viri dictis que palatum,
 Actaei os populi, cum vocibus aequora contra
 Et strepitum Aegaei contenderet? Ille vicissim
 Inclusus vigil, et pernox, nisi digna lucerna
 Perpetua fummis opibus sua verba notaret,
 Facundo fluerent quae mox dicentis ab ore,
 Non aetas omnis discat mirata nepotum.

Hoc quoque tu, iuuenis Pellaei docte magister,
 Aere grauem dextra retinebas prouidus orbem,
 Sopiti digitis qui se laxantibus vltro
 Proriperet, sonitumque daret, peluique canorae
 Allisus, dulcem auferret de pectore somnum:
 Tum demum placidae tradebas membra quieti.

Haec memori vobis animo seruanda canebam,
 O nostri, noua quae studii constantis honorem
 Progenies petis, ac laudi virtutibus instas,
 Vester, et huic operae iam dudum deditus vni.
 Mos hac vrbe bonus doctrina consita lustrans,
 Vt messis redit ac vindemia tempore certo,
 Sic iuuenes adit ingenii quaesitor in annum.
 Festis, qui resonant laetum Paean, diebus
 Apparet, docili que in pectore summa bonorum
 Non legit, at potius commendat et inserit vltro.
 Vos quoque propositi stitit huic fiducia iusti:
 Iamque bonae donis adfuescite laudis, et omnis
 Immunes sceleris, non est mora, templa subite.
 Vt saluum nobis Regem, Regisque domum, ac rem
 Communis patriae, et recti sacra moris, et artes,
 Praestet salua Deus, felici tendite voto.



IOHANNES MARTINVS SCHMIDIUS
 SACRIS FAC. DVRVEITI HACTENVS PASTOR NVNC
 DIACONVS PRIMVS DES. LAVSIGII

Neostadio ad Orilam in meridiem distans eodem flumine
 rigatur vicus, cui vocabulum Oppurg. Ibi natus a C.
 N. CIÖIOCCXII patre cognomine, qui sacris eo in
 agro faciundis crediti fidelium gregis pastor praeesset, ma-
 tre Iuliana Margaretha Celia, cuius maiores cum in aula
 principali Vinariae, tum Ienae iuri dicundo, honorato quor-
 dam loco fuerunt. Eorum laudanda parentum prouidentia
 factum fuisse ait, vt idoneis praeceptoribus instituendus
 domi litterarum rudimentis traderetur, quos Leuthierum
 et Hebenstreitium, vtrumque illis in terris sacris faciundis
 nunc diaconum, ob dexteritatem fidem que gratus praedi-
 cat. Per eos accidisse, vt in gymnasium litterarium Vina-
 riae deduceretur, in quo profecerit praesertim ductu Gesne-
 ri, qui nunc magna cum laude ingenii ac doctrinae ar-
 tium professor Goettingae meret, quem que se parentis lo-
 co colere fatetur; ac deinceps Kiseuetteri, qui regeret cum
 ludum. Inde Lipsiam adiit anno saeculi praesentis xxx,
 noster factus rectore Gaertnero, qui nuper illustri dignitate
 vir Vindobonae ad clauum litibus Imp. Rom. iudicandis ad-
 motus est. Hic per annos quatuor doctores in re nostra
 sectatus, vt litteras Hebraicas disceret, Sperbacium: vt Phi-
 losophiae placita, Mullerum: vt interpretandi praecepta in
 sacris enarrandis, Tellerum: vt decreta sacrorum et con-
 trouersias, et mores, et vsum declamandi, Klaußingium,
 Deylingium, Hoffmannum, qui nunc sacra cum laude Vi-
 tebergae docet. Publice etiam hic moderante Gesnero
 dissertationem propositam colloquio defendit, vsus princi-
 pali mensae publicae beneficio, ac nonnullo legatorum ad
 litterarum studia incremento. Inde commendatione Gesne-
 ri euocatus Sufelicius Illustrissimi Henrici Henr. F. Rod.
 N. Bunaul Comitum filios praeclara tunc spe altos, nunc rei-
 publicae admos, litteras annis tribus docuit: mox in Na-
 rificis

rificis Viri illustriſſi domini a Rex, qui eius conuentus agro auctoritate regis praefectus praefect, in domum adſcitus, liberos eius litteris artibus que ingenuis inſtituendos ſuſcepit. Secundum ea vocatus ad curam ſacrorum in vico agri Col-ditii Miſniae, cui vico vocabulum eſt Dürreweiſchen, interpres ibi verbi ſalutaris ab anno ſaeculi praefentis xxxxiij egit, nunc deſtinatus curae ſacrorum diaconus primus Lau-figio opido, ordinem noſtrum adiit, vt magiſter artium more maiorum, quod merito fit, diceretur.

CHRISTIANVS PAVLVS BIEMANNVS

GORLICIO LVSATVS

Natus Gorlitii patre Petro Paulo, qui acus et fibulae quo artificio ſubtiliter fiunt, hoc ea in vrbe exercuit, matre Roſebergeria, anno huius ſaeculi xxiiij, poſtea quam litterarum rudimentis priuatim inſtitutus eſſet, in Gymnaſio patriae litterario ſtipendia mereri coepit, rectore tunc Groſſero, deinde Baumeiſtero, reliquis vero artium tradendarum magiſtris, Rothio, Schulzio, Brieglebio, Eichlero, Mullero, ac Mylio: quorum fidem operam que gratus praedicat. Ad haec bona ingenio alendo praecipuam acceſſiſſe ſibi munificentiam Senatus Gorlicienſis et gentis Nicianae. His ita actis a C. N. cldccccxxxv publice pro more valedixit ei bonae mentis officinae, Lipſiamque adiit: vbi cenſus eſt inter noſtros rectore Klauſingio, adiutusque commodum incremento humanitatis ſtudioſorum Siluerſtenio, doctores litterarum ac philoſophiae diſcendae cauſa habuit me quidem, et Kappium, Erneſtiumque: oratoriae, Gottſchedium: ingenii diſputando per colloquium controuerſias exercendi, Carpzouium: matheſeos elementorum, Heinſium. Interea ſe Francogalli-cis quoque litteris diſcendis operam nauaſſe ait. Cum ad theologiae ſtudia conuerſus fuiſſet, Hebraeam litteratu-ram didicit, tradentibus Hebenſtreitio, Sankio que: de-creta et controuerſias ſacrorum, Deylingio, ac ruruſ Heben-

B 2

freitio,

freitio, Vuollo que: praecepta interpretandi, Boernerō, ac rursus Vuollo, quem etiam in declamandi vsu praeerentem fecutus est: vt in prudentia futuri muneris discenda, Deylingium: in controuerſiis sacrorum, Hebenſreitium, Cui, ac Boernerō quoque in primis, ac Tellerō, plurimum ob beneuolentiam ac fidem se debere, animi memoris cum testificatione profitetur. Contigisse autem post illa, vt, virorum grauium fauentium que sibi commendatione Dresdam euocatus, praecipuos spei suae ac fortunarum statores nactus sit Viros Illustres, Gaertnerum ac Ferberum, quorum ille in Consilium August. Imperatoris adscitus Vindobonam cum se conferret, nostrum, cuius fidei filium instituendum crediderat, comitem eo deduxit. Ante tamen ordinem nostrum superiore anno adit, vt artium liberalium ac philosophiae magister, rite tentatus per colloquia, diplomate edito diceretur, quod et factum est.

IOHANNES GOTTLIEB SCHMIDIUS

ERNESTIRODA GOTHANVS

Haud procul vrbe Gotha Ernestiroda in Thuringis vicus est. solebant autem a loco, qua caedua filua fuerat, hac verbi figura, *Rode*, opida vicosque maiores nostri appellare, vt *Ach* ab aquis, *Büchel* a cliuo, *Weiler*, a villa, *Werder* ab insula in flumine, atque alia ad eum modum: quae nunc fere vocabula obsolescunt. Ibi natus anno aetatis praesentis XXII, patre Benedicto Hermanno, qui sacris eo in agro crediti fidelium gregis pastor praefuit, matre Elisabetha, Iohannis Mulleri artium Magistri, qui Gothae sacra ad aedem Margarethae curabat, filia. Sacrorum et litteraturae Latinae, Graecae, Hebraicae rudimenta, cura atque opera patris cum didicisset, Gotham est deductus, vt in gymnasio litterario mereret: in quo rectore Stuffio, aliisque, qui tum erant, liberalis doctrinae magistris, multa eorum fide, ac beneuolentia, se profecisse sex annis memorat. Inde Gottingam se contulit, vsus que est

est ibi per annos quatuor theologiae discendae doctoribus, Crusio, Oporino, Heumanno, Kortholto, et in humanitate percipienda, Gesnero maxime: in philosophiae studiis, Feuerlino, Segnero, Holmanno: historiae iuris, Gebauro, ac denique Hebraicarum litterarum causa, Wachnero et Schwarzio. Interea praesertim favore ac benevolentia Gesneri V. C. usus, Seminarii philologici pars ab eo receptus, ac mox ita probatus est, ut Lipsiam commendatione illius, in domum Viri Illustris Stigliziam traditus, veniret, ut praeclarae spei liberos eius litteras doceret. Quem illius fauorem gratus ac memor praedicat. Sic urbem hanc postquam adiisset a C. N. CIOIOCCXXXVI, census in nostris rectore Maio, quantum operae mandatae vacatio ferret, non intermisit matheos causa auditor adesse Heinso nunc Rectori magnifico: ut sacra et philosophiam perdisceret, Crusio: ac denique litterarum in studiis mihi quoque. Secundum ea Cygneam euocatus, ludo ibi literario tertius tradendae liberali doctrinae praeceptor futurus, ordinem nostrum rite adiit. A quo more maiorum tentatus artium ac philosophiae Magister per diploma dictus est.

IOHANNES IACOBVS ZIEGENHAGIVS

G E D A N E N S I S

Natus Gedani anno saeculi praesentis xxxⁱ, patrem habuit Iacobum Ludouicum, causarum ea in vrbe patronum et curiae Palaeopolitanae procuratorem. Mater est Maria Elisabetha e gente Mascouia. Quarto aetatis suae anno patre orbatus, sedula deinceps matris cura, sub idoneis magistris, domi institutus in litteris profecit, donec adire Lipsiam posset. Hic aliquo tempore priuata institutione Paradeidi artium magistri usus, inter nostros nomine dato censeri coepit a C. N. CIOIOCCXXXVI, rectore Kappio. Usus est, ut Graecas litteras perdisceret, Adamio, artium magistro, et Leichio: in stilo exercendo, reliquisque eloquentiae studiis, Vuernsdorfio, cui plurimum se ideo, atque ob

XIIII

benevolentiam, debere profitetur. Vt philosophiae decreta nosceret, doctores sectatus est, Mullerum, Franzium, Vuinclerum, qui quidem physicen experimento rerum illustrandam tradidit: matheos percipiendae causa, Heinsium; vt historiam omnem, Ioecherum, Leichium, Boehmium A. M. qui res Imperii Rom. regni que Germanici enarrat. Ad reliqua aditum facturus, ducem intellegendi operis Grotiani de Iure B. et P. habuit auunculum Godofredum Mascouium, sub quo item disputandis controuerfiis ingenii exercendi facultatem adeptus, alterius item auunculi Viri Illustri voluntate vitur. Alter iam annus est, quod ab ordine nostro rite tentatus, primam philosophiae lauream, ingenii ac litterarum testem, tulit, eo que die in panegyri carmine Latino pacem, quae tum ad aquas Graneas conuenerat, laudauit.

AVGVSTVS FRIDERICVS LANGHEINRICH

DELITIO MISNICVS

Natus Delitii a C. N. CIIOCCXXVIII, patre Isaaco Friderico, artium Magistro, qui sacris eo in opido faciendis tunc Diaconus, nunc Archidiaconus praest, matre Anna Eleonora, Abelmani, qui Guelferbyti in vrbe sacra crediti fidelium gregis pastor curabat, filia. Litterarum rudimenta et sacrorum in ludo litterario patriae edoctus, fauore deinceps eorum, qui curiam ibi regunt, ad ludum transit, qui principali munificentia Portae celebratur, ibique sub magistris, Freytagio, Am Ende, Stubelio, Peucero, Hentschelio, Geislero, Heumanno et Hubchio, sex ferme annis profecit; eorum que, sub quibus stipendia fecit, omnium fidem atque in se merita, inprimis Freytagii et Am Ende, gratus praedicat. Lipsiam adiit anno aetatis nostrae xxxvii, census in nostris rectore Maio. Inter nos sectatus est humanitatis ac litterarum causa, Kappium, Ernestium que: in omni philosophia, Crusium: in historia cognoscenda sacrorum et ciuili; Ioecherum: in Hebraeis litteris,

litteris, Hebenstreitium. In discendis theologiae decretis auditor adfuit, Tello, Hebenstreitio, Crusio: in symbolicis libris noscendis, Boernerio: in moribus ad sacrorum exemp ar formandis, rursus Crusio: in praeceptis interpretandi discendis, Deylingio ac Vuollio: in reliqua futuri muneris meditatione, Tello, atque item Crusio: quorum omnium praeclara in se merita ac beneficia laudat.

IOHANNES DAVID NEVHOFF

BRENA SAXO

Delitium inter, atque id, cui Bitterfeld opido nomen est, Brena est sita. Ibi natus anno saeculi praesentis xxxvi, patre Davide artium Magistro et sacris eius opidi curandis Diacono, matre Iohanna Maria Lohrengelia, cuius pater Seren. Sax. ducis Henrici, cum in viuis esset, ab epistolarum secretis fuit. Huius aui primum cura singulari, ac pietate et fide patris, factum ait, vt in litteris, quibus informari aetas puerilis solet, proficeret: cui rei accessisse institutionem sub disciplina sedula Guntheri, qui nunc in agro prope Vitebergam sacris curandis praesit. Postea deductus in ludum litterarium patriae, praeceptoribus ibi vsus est Effenbergio et Hauptio. Inde aui suauis auctoritate que Martisburgi gymnasio litterario traditus, plus annis sex in eo meruit, sub magistris, Hoffinanno, Kupfero, Kunado, Grauo, Sandero: quorum alter atque tertius ipsi cognatione iungerentur. Horum omnium in se amorem ac fidem, et praesertim Hoffinanni merita, laudat. Francogallicis item litteris ibi operam praeuente Klutero se fatetur dedisse. Intercedente interea decessu aui, sed altum benigne ab aua, quod gratus ac memor praedicat, Lipsiam adiuisset a C. N. ccccccxxxv. In catalogis nostrorum scriptus est rectore Klausingio, atque ab eo tempore doctores habuit, philosophiae vniuersae, Mullerum et Crusium: humanitatis et litteraturae vtriusque, me quidem, et Vuinclerum et Ernestium: oratoriae, Gottschedium: historiae, Ioeche-

XVI

Ioecherum et Vuernsdorfium, Matheseos, Kaestnerum. Hebraicas, Chaldaicas et Syriacas litteras eum Hebenstreitius et Boseckius docuerunt, et Hartenstenius A. M. In primis plurimum Hebenstreitio ob beneuolentiam se ait debere: vt item Vuollio, quo praeunte, atque in primis etiam Boernero, Deylingio, Hebenstreitio, Tellero, omnis theologiae spatia emensum esse, neque non exercitum per quaestiones ingenii tentandi, et colloquiis academicis, duce Deylingio: quorum omnium doctrinam gratus praedicat. Secundum ea anno superiore philosophiae Baccalaureus ab ordine nostro creatus, carmen Latinum recitauit: nunc recitabit in panegyri Graecum.

CHRISTIANVS LIEBNER

OSTROFELDA MISNICVS

Numburgo vrbe in ortum hibernum distans agri eius Ostrofelda opidum est. Ibi natus anno saeculi praesentis xxvi, patre Thoma, artium Magistro, qui sacris curandis eius agri tunc, postea Cizae, crediti gregis pastor praefuit. Litterarum rudimenta cura patris domi primum sub idoneis praeceptoribus doctus, mox Leisneri Magistri artium ductu, qui ludo Cizae cum laude praefest, quatuor annis se ait profecisse. Lipsiam venit a C. N. c1o1o ccxxxvi, noster factus reitore Hebenstreitio, atque ab eo tempore sectatus est historiae discendae causa, Ioecherum: vt philosophiae ac litterarum notitiam haberet, Mullerum atque Ernestium. Interea orbatus patre ad theologiae studia animum appulit, atque idcirco auditor adfuit Hebenstreitii ac Telleri scholis.

IOHANNES GODOFREDVS STRVPPIVS

LEUCOPETRA MISNICVS

Natus Leucopetrae a. C. N. c1o1o ccxxxv, patre Iohanne Christophoro, qui equis infertendis ephippio artificium

cium iussu Sereniss. Sax. Ducum ea in vrbe exercebat: matre autem Maria Magdalena Sellmannia. Vtriusque parentis egregiam in se voluntatem et merita gratus laudat. Litterarum rudimenta partim domi institutus didicit, partim in ludo patriae litterario sub disciplina Messerschmidii, qui ei rector praeerat. In ludum deinde Portae transit, sex ibi annis principalis munificentiae alumnus habitus, sub magistris Freytagio, Vualthero, Am Ende, Stubelio, Peucero, Hentschelio, Geislero, Haymanno et Hubschio. Quorum omnium, et praesertim Geisleri, fidem ac benevolentiam praedicat. Lipsiam accessit anno aetatis nostrae xxxvii, scriptus in catalogis nostrorum rectore Maio, atque ab eo tempore doctrinae causa hic sectatus est, vt philosophiam disceret, Mullerum: vt Romanorum ritus antiquos, Ernestium: vt historiam omnem, Ioecherum: vt mathesin, Heinsum. In sacrorum studiis praeceptores habuit, qua decreta eorum exponuntur, Tellerum ac Hebenstreitium: qua interpretandi legem, Deylingium, et in his quoque, et super moribus exemplo sacrorum formandis, rursus Tellerum: in vsu declamandi, Wollium: in intelligendis libris, quos symbolicos appellant, Boernerum: in controuersis, atque in litteratura Hebraica, Hebenstreitium et Frischium. Per quaesita quoque vt ingenium exploraret, colloquiis que academicis acueret, operam dedit Deylingio ac Hebenstreitio. Eorum autem omnium benevolentiam dexteritatemque laudat. Secundum illa superiore anno contigit, vt ab ordine nostro primam philosophiae lauream ferret.

CAROLVS FRIDERICVS HECKER

MEUSELVICIO MISNICVS

Prope Palaeopolin vicus, cum villa hortis testis que nitide exulta, possessoris praesertim splendore claret, cui nomen Meuseluz. Ibi cum pater Henricus Cornelius, Hamburgo oriundus, Magister artium, sacris faciendis

C

prae-

XVIII

praeesset, hunc filium suscepit ex vxore, Maria Dorothea Waltheria, a C. N. CIOIOCCXXVIII. Domi primum sub idoneis praeceptoribus litterarum rudimenta edoctus creuit. Deinde Palaeopoli in Gymnasio litterario mereri coepit, praeuntibus Moerlino, Vuebero, Maiero, Schoenfeldio: quorum diligentiam ac fidem gratus agnoscit. Lipsiam accessit anno aetatis nostrae XXXVII, scriptus antea in catalogis nostrorum rectore Gottschedio. Doctores inter nos sectatus est philosophiae quidem discendae causa Gottschedium, Maium ac Birnbaum: in disputandis per colloquia controuersis, Gloecknerum: in humanitatis studio, me et Ernestium, Vuernsdorffium que. Theologiam vt omnem perciperet, auditor adfuit Telleri, atque vt orientis litteraturae notitiam haberet, Hebenstreitio, Vuolio, Hartenstenio. Etiam declamando publice in aede nostra ingenii experimentum dedit. Quibus in studiis cum contigisset, vt patre boni exempli orbatus, cura sedula matris bene de se merentis sustentandus esset, commodum adspirasse sibi fauorem ac munificentiam Illustriss. viri S. R. I. Comitis a Seckendorff, cui is ager parer, in quo natus hic est. Adiunctam item sibi egregiam beneuolentiam Telleri, cuius hospitio fruatur, et Gottschedii, cuius doctrinis utatur, plurimum profuisse.

GOTTHELF BENIAMIN GVHR

CVL MENSIS MISNICVS

Culmena prope Ossitium vicus est. Ibi natus anno saeculi praesentis XXI, patre Iacobo, qui sacris eo in vico faciundis praest, matre vltus est Iohanna Sophia e gente Doeringia. Litteras vt disceret, Dresdae primum in ludo litterario meruit, sub magistro Kretzschmaro. Lipsiam venit, scriptus in ciuibus nostris rectore Klausingio, a C. N. CIOIOCCXXXI: at, quo minus in audiendis artium doctoribus continentem operam poneret, aduersa valetudine graui ac diuturna impeditus. Quamobrem, relicta interea vrbe, deinceps rediit, anno aetatis

tis nostrae xxxxy. Doctores hic sectatus est, philosophiae Gottschedium, Vuinclerum, Crusium: humanitatis ac litterarum, me quidem, et Kappium, Ernestium que: orientis literaturae, Hebenstreitium: Historiae, Ioecherum et Baierum. Iuris sacrorum causa Mullero auditor adfuit, et artis oratoriae ut praecepta disceret, Maio. Theologiae in studiis decreta sacrorum didicit, Telleri, Hebenstreitio, Vuollio, Crusio, praeceuntibus: interpretandi codicis sacrorum praecepta, Boernerio, Deylingio, Vuollio: qua declarandi usum praebet, Telleri rursus ac Vuollio: qua formulam, eidem et Crusio: qua controuersa colloquiis disputat, Deylingio ac Hebenstreitio operam dedit.

FRIDERICVS SIGISMVNDVS

W I T Z L E B E N

Q V E R N O F V R T E N S I S

Non procul Quernofurto Nemsdorpium vicus est, in quo natus a C. N. cldio cccx, patre Iohanne Fridrico artium Magistro et sacris ibi curandis qui praeesset: matre Iohanne Christiana Ternia, cuius pater Blesae prope Martisburgum urbem sacra curaret. Primis litterarum rudimentis patris opera aui que se institutum ait, deinde Quernofurti in ludo litterario meruisse, cui praeesset Roederus, cuius ductu, et reliquorum magistrorum fide dexteritate que, plurimum profecisse. Inde patris auctoritate Martisburgum accessit, ubi in Gymnasio litterario sub Vhseo et Henkelio rectoribus quatuor prope annis stipendia fecit. Interea patre auo que fato functis, academiam ad Salinas Saxonium, ut finitimam suae patriae rebus, elegit, in qua annis xii. studiis litterarum ac doctrinae operam dedit. Auditor ibi adfuit philosophiae discendae causa, Hoheiselio ac Vuollfio: iuris naturae ac ciuilibus ut praecepta nosceret, et historiae notitiam haberet, Ludeuigio, cuius lateri in domum receptus plus annis iii. haesit: ut iuris sacrorum, et

amplius ciuilibus iurisprudentiae, et antiquitatis factorum, praesertim Boehmerum antecessorem ibi ducem habuit. a quo in familiarem usum receptus, recognoscendis ad libros veteres canonum, quos vocant, lectionibus, cum noua eorum exempla publicanda pararet, superfuit. Etiam Boehmero minori, filio illius, in capitibus iuris, quae terribilium vocantur, intellegendis, et Heineccio, historiae iuris causa, et in aliis litterarum partibus, auditorem adfuisse se testatur. Quo moderante deinceps dissertationem publice defendit, cui *Vxor Romana* quae sequuntur, titulus est. Alio item libro numos quosdam Plautillae, in quibus *Venus Victrix*, enarrare aggressus est. Fleischerum etiam, et Gasserum, et Schulzium se ibi sectatum esse, iurisprudentiae et litterarum causa, ait. Ad nos accessit anno saeculi praesentis xxxxvi, adolescentes litterarum studiosos Taucherum Berolinatem et Berkouium Hamburgensem custos adducens. Hic inter nos doctorem habuit historiae patriae causa, Mascouium. De reliquo et libris, qui publicabantur, adornandis, vt *Muratorii Annalibus*, et aliis instituendis litterarum in studiis, operam se nauasse profitetur.

CHRISTIANVS FRIDERICVS SEYFERTVS
VOLCOVICIO MISNICVS

Non procul ab vrbe Lipsia Volcouicium vicus in meridiem, qua vergit ad ortum hibernum, distat. Ibi natus a C. N. cio dccxxvii, patrem habuit Christianum Ehrenfrid sacrorum eo in agro interpretem, qui eum suscepit ex vxore Iohanna Sophia Schleusingia. Quibus parentibus quum infans orbatus esset, prouidentia numinis benigni factum est, vt litterarum rudimenta priuatim doceretur, ac deinde Fribergae in Gymnasio litterario mereret, sub magistris Mollero, Luthero, Marzbachio: quorum in se fidem ac voluntatem laudat. Inter quae profuisse sibi benevolentiam quoque Vuilfchii ac Vuaegei, quorum ille antistes collegio sacris faciundis, iste senior ea in vrbe esset. In catalogis ciuium nostrorum scriptus

scriptus est me rectore, anno aetatis praesentis xxxxiij. Adfuit vero doctrinae causa auditor, ut philosophiam disceret, Maio, cuius in se merita praedicat, et Birnbaum A. M: humanitatis studio, mihi ac Wernsdorffio: orientis in litteris, Sankio, Bosseckio, Gloecknero. Disputandis praeterea controuersis per colloquia velitatus, praecedentibus Deylingio, ac rursus Sankio: omnis theologiae percipiendae causa sectatus est in primis Tellerum, cuius se beneficiis multis ornatum esse gratus fatetur.

CHRISTIANVS GVLIELMVS
THALEMANNVS
WEBERSTADIO THVRINGVS

Non procul Longosalsita in Thuringis Weberstadium vicus est, in quo sacris curandis praerant, quo patre natus est, a C. N. cccxxvii, Christiano, artium Magistro, nunc Coelledae crediti fidelium gregis pastore: matre autem Barbara Sophia Ernestia, quae ante annos tres diem suum obiit. Prima sacrorum ac litterarum rudimenta pater eum diligenter docuit. Mox octo annos natus ad Ernestium nostrum, artium Professorem et Ludi litterum huius urbis ad aedem Thomae apostoli Rectorem, auunculum suum, ita est deductus, ut non modo institutione eius per annos quinque proficeret, verum etiam prope filii in loco liberaliter haberetur. Postea in ludum Portae se contulit, ibi que meruit sub magistris Freytagio, Walthero, Am Ende, Stubelio, Peucero, Hentschelio, Geislero, Heumanno, Hubschio, quorum fidem humanitatem que gratus praedicat. Ad nos reuersus, cum nomen esset professor rectore Kappio, anno aetatis praesentis xxxvi, auditor adfuit philosophiae causa, Crusio: in mathefi discenda, Heinsio: super theologiae decretis, Deylingio et Hebenstreitio: qui etiam Hebraicas eum litteras docuit, ut praecepta interpretandi sacra, Deylingius, Ernestius que: historiam sacrorum, Baierus. In reliquis litteris et humanitate

tate percipienda, historiaque ciuili, auunculum praesertim ducem secutus est, cuius disciplinam, atque in se voluntatem et beneficia, gratus laudat.

MAVRIGIVS GODOFREDVS KOENIG

ROCHLITIO MISNICVS

Natus Rocolitii a C. N. MDCCCXXV, patre Mauricio, qui decurionum collegio consul eo in opido praestitit matrem habuit Elisabetham Franckiam. Parentum cura ac fide singulari nutritus, prima litterarum sacrorumque elementa in ludo patriae litterario didicit praecipientibus Vltmanno, Gerlacio, Opitio, Pitschlero magistris. Inde in ludo maiore Cremae Misnicae meruit annis prope sex, sub disciplina Schumacheri, Parskii, Vlischii, Opitii, Hauptii, quorum studium dexteritatemque plurimum sibi profuisse, gratus agnoscit. Lipsiam adiit anno aetatis nostrae XXXVII, nomen professus inter ciues nostros rectore Wincclero. Doctores inter nos sectatus est philosophiae quidem omnis discendae causa, Mullerum, cuius in se praeclearam benevolentiam et merita gratus ac memor laudat: ut historiae notitiam haberet, Ioecherum: ut Hebraicae litteraturae, Hebenstreitium et Bosskium: ut sacrorum decreta nosceret, Tellerum: ut controuersias, rursus Hebenstreitium: ut interpretandi praecepta recta, Deylingium: ut libros symbolicos, Boernerum. Vuollio etiam se ait plurimum doctrinae ac benevolentiae nomine debere.

IOHANNES HENRICVS ISRAEL RANCKE

WOLFERODA MANSFELDENSIS

Vicus est agri Mansfeldici Vuolferoda. Ibi natus anno saeculi praesentis XVIII, patrem habuit Israelem, qui sacris eius agri curandis praecerat, cum ei hic filius nasceretur: matrem Susannam Elisabetham Schillingiam, sacris curandis quondam Decani Dederstadii non procul Islebia filiam.

filiam. Litterarum rudimentis institutus domi, Gymnasium litterarium, quod ad Salinas Saxonum celebratur nostri sacrorum coetus, adiit anno aetatis suae XIII, ibi que annis prope septem artium humanitatisque studiis operam dedit, doctrinis vsus Gasseri, Krullii, Taustii, Kirchneri, qui nunc ea in vrbe ad aedem Marię Virginis sacra curat. Eius praesertim, reliquis quoque bene vsus, fidem ac voluntatem in se prolixam laudat. Academiae ad Salinas ciuis futurus accessit a C. N. MDCCXX, et scholis doctrinae ac sacrorum discendorum causa interfuit, Meyeri, Langii, Michaelis, Baumgartii, Knappii. Inde in patriam euocatus, Islebiae que Ehrenbergii Consiliarii Princip. filiis custos additus, litteras eos docuit, atque inter eos, qui sacri muneris candidati scribuntur, nomen dedit. Lipliam venit anno aetatis nostrae XXXVIII, scriptus in nostris rector Gottschedio. A quo tempore theologiae studiis exercendis auditor sectatus est Deylingium, Tellerum, Crusium.

GEORGIUS CHRISTOPHORVS SEYFERT

A V G V S T A N V S

Natus Augustae Vindelicorum anno saeculi praesentis XVI, patre vitur Iohanne Casparo, inde oriundo, ac symphoniae artis perito, quam aliquo tempore in regia Dresdae exercuit, nunc in patria choris musicis praefectus agit. Litterarum et sacrorum rudimenta primum domi didicit, deinde in gymnasium patriae litterarium deductus, sub Crophio et Heckingio artium magistris, qui ei rei praesent, ingenuarum artium disciplinae operam dedit. Quibus in studiis se adiutum memorat etiam doctrina Mezgeri A. M. et ad collegium nostri ritus Ephori. Academiae Ienensi accessit a C. N. MDCCXXXVI, ibi que sectatus est philosophiae quidem discendae causa, Reuschium ac Dariesium: super theologiae partibus, Vualchium, ac rursus Reuschium: in litteratura orientis antiquitate que cognoscenda, Tympium
ac

QX 4c 7335

XXIII

ac Reckenbergerum. Lipsiam venit anno superiore, in
ciuibus nostris scriptus rectoru Vinclero, atque ab eo
tempore auditor adfuit super praeceptis rhetoricae,
Gottschedio: super Physica, Winclero: theologiae de-
creta et controuersias vt recognosceret, vsumque decla-
mandi vt haberet, Vuollio: quorum fidem ac voluntatem
laudat.




X 2379342

21



W. 534,49

STVDIORVM CON
 XVI. PHILOSOPHIAE
 QVI MAGISTRI C
 RECTORE MAG
 GODOFREDO
 MATHEM. P. P. O. ET A
 SCIENT. PETROPOLITANAE AD
 PROCANCELLARIO
 IOH. CHRISTOPH. G
 LOG. RECENTIORIS ET METAL
 ORD. POES. EXTRAORD. ET MA
 COLLEGIATO ET SODALIT. Q
 COGVTVR DIVERSIS VT
 OLOMVC. ADSCRIB
 DECANO SPEC
 AVG. FRIDER.
 PHIL. ET IVRIS VTR. DOCT
 PROF. PVBL. ET MIN. PRINC. C
 CARMINE SOLEMNI
 IOH. FRIDER. CHR
 D. XII. FEBR. A C. N.



L I P S I A
 OFFICINA LANG

